

包氏醫宗

第一集第三卷

傷寒表



包氏醫宗第一集

▲內科傳染病學

卷之一

傷寒論章節

一冊

卷之二

傷寒方法附歌括

一冊

卷之三

傷寒表附表式

一冊

卷之四

傷寒論講義

二冊

卷之五

傷寒方講義

一冊

(第一集售價陸圓)

◀印翻准不有所權版▶

中華民國十九年一月出版
中華民國廿五年二月再版

包氏醫宗第一集第三卷

傷寒表一冊

著作者 閩杭包識生

校字者 閩杭包天白

出版者 包氏醫宗出版部

總發行 包氏醫宗出版部

上海北泥城橋新開路
口鴻祥里三號

代售處 各大書局



序

嘗聞火隱于石。非敲不見。泉伏於地。非掘不流。倘無敲掘之者。則亦萬古千秋。終於石中地中而已。然敲之不善。火不發見。掘之不力。泉不盡流。此敲掘者之咎。而非石與地之咎也。豈知理之顯也有其時。時之至也有其人。如石鼓文之註釋。百餘家。至後人而音訓攷正著焉。玉尺經之混淆數百年。至後世而地理辨正出焉。蓋創造者彼一時。發明者此一時。前後歷數千年。一若待其人而後行者。非虛言也。今者歐風漸被。國粹將亡。揚西者不復揚中。喜新者幾無喜古。斯何時乎。非否極則泰之時乎。苟無人以振作於其間。我中國聖經賢傳。幾湮沒於斷簡殘篇間矣。今有包君識生者。見中邦之醫學。黑暗堪憐。仲聖之真傳。幽光未發。幸先生家學淵源。克承手澤。先師衣鉢。獨得心傳。茲將所著傷寒講義諸書。付梓行世。是書一出。彼叔和之

鈞譽沾名。修園之遺經背旨。經先生數十年面壁之功。索其隱而
闡其微。得以傷寒經旨。晦而復明。潛而復出。猶石與地之善敲善掘
而能事見矣。是書也。實大有造於天下者也。爰爲之喜而爲之序。
民國三年冬月 雲間查鳳岡貢甫氏拜撰



傷寒序

包一虛識生氏著

傷寒論一書。世尙久矣。諸前賢稱曰聖書。以爲扁鵲倉公無以加焉。後之學者莫不奉爲矩範。但其文義古簡。不類尋常。若非上智靈敏。終難洞悉其理。所以精斯道者。歷代無聞。痛夫。先師已後。此論塵封。作註者。數十百家。互相爭訟。皆不能闡明其旨。行道者。幾千萬人。緣儒入墨。鮮有成道之徒。或疑原書失散。卷帙不全。或疑兵燹殘篇。文次已經遺亂。於是無學之徒。各創臆說。移多就少。刪減增加。類表類攻。并寒并熱。竟將我神農黃帝遺下歷代相承漢醫聖張仲景先師濟世救民之書。傷寒論。湮沒千餘載。遂使真學失傳。庸書日盛。醫術日形退化。以致弱種弱國。有由來也。嗚乎。先師仲景。生於漢季亂離之際。疫禍兵災。頻年不已。目宗族成千之衆。建安紀年以來。猶未十稔。死亡者。三分有二。向餘二百而已。因疫傷寒而死者。十居其七。感

往昔之淪喪。傷橫天之莫救。乃作傷寒雜病論。匡救當時。垂教後世。晉之叔和。作辨脈。平脈。傷寒例。三篇於首。附汗吐下宜忌八篇於後。欲使學者易讀之意。宋成無已。不分玉石。概作註之。誤寫叔和編次。元明以降之醫。作註者日多。讀其前後之文迥異。以爲叔和編次遺亂。各是其說。擅改經文。後者貶前。莫宗一是。惟最近名醫陳氏修園。頗有見解。遵成氏創註之本。刪去叔和前後所附八篇。於是一卷曰玉無瑕。活人至寶之書。復見於世。惜乎陳氏雖刪去叔和之序例。而傷寒真義。毫無發明。大道茫茫。如壁在璞。讀者無味。用者不靈。裹足不前。轉習時書者衆。虛束髮受書。家君訓以傷寒論。手抄無註白文。聽誦六寒暑研究八春秋。十餘載煞費苦心。專門是道。頗知傷寒之奧。遂作傷寒表一卷。八篇。二十四例。五十章。三百九十七法。次序炳然。聖經復燦。自非才高識妙。豈能探其理致哉。夫農黃之學。書於內。

經本草。傳於長桑扁鵲。統于先師仲景。作傷寒論。爲方書之祖。據天人合化之理而論。非臨證彙集之書也。總凡三百九十七法。數法同證者曰章。數章同病者曰例。數例同經者曰篇。傷寒論凡八篇。自太陽、陽明、少陽。以至太陰、少陰、厥陰、霍亂、陰陽易、差後勞復。爲六經經氣相傳。及後天先天之序也。

太陽篇凡十例。

曰太陽病總論例。凡一章。所論六淫之邪。傷寒之總論者也。

曰表病五規總論章。凡十一法。所論太陽病諸法之總論者也。

曰表病風寒五規例。凡七章。所論風寒之邪。中傷頭項表病者也。

曰表虛陽病表裏傳章。凡十二法。以桂枝湯諸方。治頭項中風虛證。及傳入少陰者也。

曰表虛陰病表裏傳章。凡六法。以桂麻合劑諸方。治頭項傷寒

虛證。及傳入少陰者也。

曰表實陽病經氣傳章。凡四法。以葛根湯諸方。治頭項中風實證。及傳入陽明少陽者也。

曰表實陰病經氣傳章。凡三法。以麻黃湯諸方。治頭項傷寒實證。及傳入陽明少陽者也。

曰陰陽邪化反形章。凡四法。以大小青龍諸方。治頭項風寒實證。風化爲寒。寒化爲風者也。

曰虛從實反章。凡七法。以桂枝湯。麻黃湯。治頭項風寒之病。一虛一實。一從一反之治法者也。

曰脈證相似假真章。凡九法。以桂枝湯。麻黃湯。治頭項風寒之病。有真虛假虛。真實假實之脈症。一補一攻之治法者也。

曰表病救誤禁誤治法例。凡四章。所論頭項表病汗下已誤治者。有



救誤之法。未誤治者。有禁其誤治之法。汗下治法。有先後不同者也。
曰表病誤治陰陽臟腑諸傷章。凡十三法。以乾薑附子湯。新加
湯。麻杏甘膏湯。桂枝甘草湯。苓桂草棗湯。樸薑夏草人參湯。苓
桂朮甘湯。芍藥甘草附子湯。茯苓四逆湯。調胃承氣湯。治其汗
下誤傷陰陽臟腑表裏經氣者也。

曰三焦三部陰陽傷章。凡十三法。以五苓散。治誤傷三焦諸陽。
梔子豉湯。治誤傷三部諸陰者也。

曰諸虛家禁汗章。凡八法。以真武湯之法。統治上中下焦營衛
陰陽諸虛者也。

曰治法先後章。凡五法。以四逆桂枝比論。治法有先救裏。後救
表。先治表。後治裏者也。

曰半表裏病例。凡一章。所論風寒之邪。中傷頸項脇下半表半裏者

也。

曰半表裏病陰陽邪表裏經氣傳章。凡十六法。以桂枝湯。小柴胡湯。小建中湯。大柴胡湯。治頸項脇下中風傷寒表裏經氣虛實之病者也。

曰半表裏病救誤禁誤治法例。凡二章。所論頸項脇下半表裏病。火吐誤治者也。

曰火誤諸傷禁誤章。凡十一法。以救逆湯。治火誤陽裏諸病。桂枝加桂湯。桂枝甘草龍骨牡蠣湯。治火誤陽表諸病者也。

曰吐誤諸傷禁誤章。凡四法。以溫胃之法。治其吐誤虛症。以調胃承氣湯。治其吐誤實症者也。

曰裏病例。凡五章。所論風寒之邪。中傷胸腹裏病者也。

曰表病裏傳陰陽邪結下部章。凡四法。以抵當湯。治風寒之邪

結在下部少腹者也。

曰表病裏傳陽結上部章。凡十三法。以陷胸諸湯。治風邪結在上部胸上。六經之病者也。

曰假陽結章。凡八法。以五苓陷胸白散三方。治其寒結。以肺俞肝俞期門三穴。治其熱結。以柴胡治其血結。以柴胡加減。治其氣結。假結胸者也。

曰表病裏傳陰結中部章。凡十六法。以半夏瀉心湯。十棗湯。大黃黃連瀉心湯。附子瀉心湯。五苓散。生薑瀉心湯。甘草瀉心湯。赤石脂禹餘糧湯。旋覆代赭石湯。麻杏甘膏湯。桂枝人參湯。大柴胡湯諸方。治其陰邪結在中部腹中。六經氣水之病者也。

曰假陰結章。凡二法。以瓜蒂散。治其邪結假結痞者也。

曰暑病例。凡一章。所論暑邪傷太陽者也。



曰暑病章。凡三法。以白虎加葳湯。治暑傷表裏之病者也。

曰火病例。凡一章。所論火邪傷太陽者也。

曰火病章。凡三法。以黃芩湯。黃連湯加減。治火傷樞開闔者也。

曰溼病例。凡一章。所論溼邪傷太陽者也。

曰溼病章。凡二法。以桂枝附子湯。甘草附子湯。治風溼寒溼者也。

曰燥病例。凡一章。所論燥邪傷太陽者也。

曰燥病章。凡三法。以白虎湯。炙甘草湯。治燥邪傷表傷裏者也。

陽明篇凡四例。

曰陽明病總論例。凡一章。所論表邪傳裏之總論者也。

曰裏病總論章。凡二十九法。所論陽明病之總論者也。

曰燥金表證虛實例。凡三章。所論燥邪在表。虛實之病者也。

曰少太正三綱燥病章。凡三法。以調胃承氣。小承氣。大承氣三湯。治少陽太陽陽明燥病者也。

曰燥傷神病章。凡十三法。以承氣湯。白虎湯。梔子豉湯。豬苓湯。治三陽三焦譫語之病者也。

曰燥病三陽虛實章。凡二十法。以四逆湯。梔子豉湯。小柴胡湯。蜜煎導法。桂枝湯。麻黃湯。茵陳蒿湯。抵當湯。治陽明少陽太陽虛實燥病者也。

曰燥金裏證虛實例。凡三章。所論燥邪在裏虛實之病者也。

曰燥傷形病章。凡五法。以大承氣湯。治胃腸燥屎之病者也。

曰燥病陽虛陽亡陽實章。凡八法。以五苓散。麻仁丸。調胃承氣。小承氣諸湯。治胃府虛實燥病者也。

曰六經燥病章。凡七法。以大承氣湯。抵當湯。治六經燥病歸府



者也。

曰燥病表裏相傳溼病例。凡一章。所論陽明傳入太陰之病者也。

曰溼病章。凡四法。以茵陳蒿湯。梔子蘘皮湯。麻黃連軛赤小豆湯。治表裏溼病者也。

少陽篇凡一例。

曰少陽病總論例。凡一章。所論表邪傳入半表裏之總論者也。

曰半表裏病總論章。凡九法。以柴胡湯治少陽火病風寒之邪者也。

太陰篇凡一例。

曰太陰病總論例。凡一章。所論表病傳入太陰肺臟脾臟者也。

曰太陰病總論章。凡八法。以桂枝湯。桂枝加芍藥湯。桂枝加大黃湯。治太陰表裏虛實之病者也。



少陰篇凡二例。

曰少陰病總論例。凡一章。所論表病傳入少陰心腎者也。

曰少陰水火總論例。凡二十法。所論心火腎水諸病之總論者也。

曰少陰水火虛實例。凡四章。所論心腎虛實之病者也。

曰水火標本病章。凡五法。以麻黃附子細辛湯。麻黃附子甘草

湯。黃連阿膠湯。附子湯。治其水火表裏之病者也。

曰水火三焦病章。凡八法。以桃花湯。吳茱萸湯。豬膚湯。桔梗湯。

苦酒湯。半夏散及湯。治其水火傷三焦諸病者也。

曰水火涉經下利章。凡六法。以白通湯。白通加胆。真武湯。通脈

四逆湯。四逆散。豬苓湯。治其水火傷六經之病者也。

曰水火竭滅章。凡六法。以大承氣湯。四逆湯。治其水竭火滅之



病者也。

厥陰篇凡三例。

曰厥陰病總論例。凡一章。所論表病傳入厥陰肝臟者也。

曰厥陰病總論章。凡十二法。所論肝臟諸病之總論也。

曰厥病出入熱厥例。凡三章。所論肝氣爲病。出熱入厥者也。

曰熱厥生死章。以烏梅丸治厥病出入熱厥從本者也。

曰熱厥六經章。凡六法。以白虎湯當歸四逆湯。四逆湯治六經

熱厥之病者也。

曰熱厥三部邪水血章。凡三法。以瓜蒂散茯苓甘草湯麻黃升

麻湯治上中下三部邪水血厥之病者也。

曰厥病下上利嘔例。凡四章。所論肝氣爲病。下利上嘔者也。

曰厥陰下利六經總論章。凡七法。以乾薑連芩人蔞湯治厥病



下上利嘔從中者也。

曰五臟利脈生死章。凡五法。所論厥病下利生死脈症者也。

曰六氣爲利章。凡六法。以四逆湯。白頭翁湯。小承氣湯。梔子豉湯。治其厥病下利涉六經者也。

曰上逆嘔噦章。凡六法。以四逆湯。吳茱萸湯。小柴胡湯。治嘔噦虛實之病者也。

霍亂篇凡一例。

曰霍亂總論例。凡一章。所論風寒傷後天之病者也。

曰霍亂總論章。凡十一法。以四逆加參湯。五苓散。理中丸。桂枝湯。四逆湯。通脈四逆加胆湯。治霍亂虛實之病。及傳入太陰少陰厥陰者也。

陰陽易差後勞復篇。凡二例。

